

**Bosna i Hercegovina
Brčko distrikt BiH
URED-KANCELARIJA ZA REVIZIJU
JAVNE UPRAVE I INSTITUCIJA
u Brčko distriktu BiH**



**Босна и Херцеговина
Брчко дистрикт БиХ
КАНЦЕЛАРИЈА-УРЕД ЗА РЕВИЗИЈУ
ЈАВНЕ УПРАВЕ И ИНСТИТУЦИЈА
у Брчко дистрикту БиХ**



Islahijet 8, telefon 049 218-220, faks 049 490-276
Ислахијет 8, телефон 049 218-220, факс 049 490-276
www.revizija-bd.ba

Broj: 01-02-03-13-148/19
R: 07-03; 013-03/19

**IZVJEŠTAJ O REVIZIJI FINANSIJSKOG POSLOVANJA
Skupštine Brčko distrikta BiH
za period 01.01.- 31.12.2018. godine**

Brčko, maj 2019. godine

SADRŽAJ

NEZAVISNO REVIZORSKO MIŠLJENJE.....	3
1. REZIME DATIH PREPORUKA.....	6
2. UVOD	8
3. OPŠTI DIO.....	8
3.1. ORGANIZACIJA SKUPŠTINE.....	8
3.2. RAD SKUPŠTINE	9
4. PREDMET, CILJ I OBIM REVIZIJE.....	9
5. OSVRT NA NALAZE I PREPORUKE IZ PRETHODNE REVIZIJE.....	10
6. NALAZI I PREPORUKE.....	11
6.1. RUKOVODSTVO I SISTEM INTERNIH KONTROLA.....	11
6.2. OBAVLJANJE POSLOVA U SKLADU SA PROPISIMA	12
6.3. PLANIRANJE I IZVRŠENJE TEKUĆEG BUDŽETA	13
6.4. IZDACI ZA PLATE I NAKNADE TROŠKOVA PLATA.....	13
6.5. <i>Izdaci za putne troškove</i>	13
6.6. IZDACI ZA REPREZENTACIJU	14
6.7. IZDACI ZA UGOVORE O DJELU	14
6.8. IZDACI ZA TEKUĆE GRANTOVE.....	14
6.9. KAPITALNI BUDŽET	16
6.10. OSTALI NALAZI.....	17
7. KOMENTAR	17
8. PRILOZI IZVJEŠTAJA O REVIZIJI	18

Bosna i Hercegovina
Brčko distrikt BiH
URED-KANCELARIJA ZA REVIZIJU
JAVNE UPRAVE I INSTITUCIJA
u Brčko distriktu BiH



Босна и Херцеговина
Брчко дистрикт БиХ
КАНЦЕЛАРИЈА-УРЕД ЗА РЕВИЗИЈУ
ЈАВНЕ УПРАВЕ И ИНСТИТУЦИЈА
у Брчко дистрикту БиХ



Islahijet 8 telefon 049 218-220, faks 049 218-438
Ислахијет 8, телефон 049 218-220, факс 049 218-438
www.revizori-bd.ba

SKUPŠTINA BRČKO DISTRIKTA BiH
n/r šefa Stručne službe Skupštine

NEZAVISNO REVIZORSKO MIŠLJENJE

Predmet revizije

Izvršili smo reviziju finansijskog poslovanja Skupštine Brčko distrikta BiH (u daljnjem tekstu: Skupština) za period **01.01.-31.12.2018.** godine, te reviziju usklađenosti poslovanja s važećim zakonskim i drugim relevantnim propisima.

Odgovornost rukovodstva

Za finansijsko poslovanje Skupštine, u skladu s važećim zakonskim i drugim propisima, programom rada i odobrenim pozicijama budžeta odgovoran je šef Stručne službe. Ova odgovornost obuhvata: osmišljavanje, primjenu i održavanje internih kontrola koje su relevantne za sprečavanje nastanka materijalno značajnih grešaka u finansijskom poslovanju Skupštine.

Odgovornost revizora

Naša odgovornost je da izrazimo mišljenje o finansijskom poslovanju na osnovu izvršene revizije. Reviziju smo izvršili u skladu sa Zakonom o reviziji javne uprave i institucija u Brčko distriktu BiH ("Sl. glasnik Brčko distrikta BiH" broj: 18/18 - prečišćen tekst) i primjenjivim okvirom Međunarodnih standarda vrhovnih revizijskih institucija - ISSAI (Službeni glasnik Brčko distrikta BiH, broj 3/15). Ovi standardi nalažu da radimo u skladu s etičkim zahtjevima i da reviziju planiramo i izvršimo na način koji omogućava da se, u razumnoj mjeri, uvjerimo da finansijsko poslovanje ne sadrži materijalno značajne pogreške, te da je poslovanje usklađeno sa važećim zakonskim i drugim relevantnim propisima.

Revizija je uključila sprovođenje postupaka u cilju pribavljanja revizorskih dokaza o usklađenosti finansijskog poslovanja sa zakonskim i drugim relevantnim propisima, kao i odobrenim i izvršenim pozicijama budžeta. Izbor postupaka je zasnovan na revizorskom prosuđivanju, uključujući procjenu rizika nastanka materijalno značajnih grešaka u finansijskom poslovanju. Prilikom procjene rizika, revizor razmatra interne kontrole koje su relevantne za prezentaciju finansijskog poslovanja, u cilju osmišljavanja revizorskih postupaka koji su odgovarajući u datim okolnostima, ali ne u cilju izražavanja odvojenog mišljenja o efektivnosti internih kontrola.

Smatramo da su pribavljeni revizorski dokazi dovoljni i odgovarajući i da obezbjeđuju osnovu za naše revizorsko mišljenje.

Osnov za izražavanje mišljenja

- Skupština putem Komisije za budžet, nije osigurano usvajanje Budžeta Brčko distrikta BiH za 2018. godinu, u zakonski propisanom roku u skladu sa Statutom Brčko distrikta BiH i Poslovníkom o radu Skupštine ((najmanje trideset dana prije isteka svake fiskalne godine), (tačka 6.2. Izvještaja)).
- Pravilnikom o unutrašnjoj organizaciji i sistematizaciji radnih mjesta Stručne službe Skupštine Brčko distrikta BiH predviđena su radna mjesta: stručni savjetnik za skupštinske komisije, stručni saradnik za skupštinske komisije i stručni referent za skupštinske komisije. Na navedenim radnim mjestima, tokom revidirane godine, angažovana su 4 (četiri) lica po osnovu ugovora o djelu, te su po navedenom osnovu realizovani izdaci u iznosu od 36.196,80 KM. Ugovori o djelu imaju sve karakteristike radnog odnosa, a da Skupština s licima angažovanim po osnovu ugovora o djelu, nije zaključila ugovore o radu, odnosno nije uspostavila radno-pravni odnos, kako to reguliše član 3 Zakona o radu Brčko distrikta BiH, (tačka 6.7. Izvještaja).
- Odlukom o kriterijima, načinu i postupku raspodjele sredstava grantova Skupštine Brčko distrikta BiH, nisu navedeni kao kriteriji za raspodjelu sredstava grantova potvrde o izmirenim poreznim obavezama i ovjereni finansijski izvještaji za prethodnu godinu od strane Direkcije za finansije Brčko distrikta BiH za neprofitne organizacije koje su registrovane kod nadležnog suda na teritoriji Brčko distrikta BiH, (tačka 6.8. Izvještaja).
- Skupština nije obavijestila Direkciju za finansije Brčko distrikta BiH o neprofitnim organizacijama koje nisu podnijele izvještaj o namjenskom utrošku sredstava dodijeljenih u prethodnoj godini do 30. septembra tekuće godine. Izostanak kontrole zakonitosti, efikasnosti i ekonomičnosti utroška sredstava dodijeljenih neprofitnim organizacijama, putem Direkcije za finansije Brčko distrikta BiH kao institucije ovlaštene za vršenje kontrole, nije u skladu sa odredbama člana 24 Zakona o budžeta Brčko distrikta BiH, (tačka 6.8. Izvještaja).
- Skupština nije svrsishodno i efikasno raspolagala tekućim budžetskim sredstvima za 2018. godinu te je ostalo neutrošeno 1.226.107,60 KM ili 16,9 % planiranog budžeta, što nije u skladu sa odredbama člana 24 stav 2 Zakona o budžetu Brčko distrikta BiH i člana 10 stav 2 Zakona o izvršenju budžeta Brčko distrikta BiH za 2018. godinu, (tačka 6.3. Izvještaja).

Mišljenje s rezervom

Po našem mišljenju, osim mogućih efekata napomena datih u prethodnom pasusu, finansijsko poslovanje Skupštine u toku **2018. godine**, u materijalno značajnim aspektima je bilo usklađeno s važećom zakonskom regulativom.

Zamjenici glavnog revizora:

Amra Ilić, dipl. oec.

Mr. sci. Savo Grujić, dipl. oec.

Glavni revizor

Nekir Suljagić, dipl. oec.

1. REZIME DATIH PREPORUKA

- *Potrebno je da Skupština dostavi Uredu program mjera otklanjanja uočenih nedostataka po revizorskom izvještaju, u roku koji je regulisan odredbama Zakona o reviziji javne uprave i institucija u Brčko distriktu BiH.*
- *Potrebno je, u cilju efikasnijeg poslovanja i pouzdanog finansijskog izvještavanja, uspostaviti sistem internih kontrola koji će eliminisati navedene slabosti i doprinijeti efikasnom ostvarivanju ciljeva Skupštine.*
- *Potrebno je da Skupština, putem skupštinske Komisije za budžet, osigura usvajanje Budžeta Brčko distrikta BiH, u zakonski propisanom roku, u skladu sa Statutom Brčko distrikta BiH.*
- *Potrebno je, da Skupština dosljedno poštiva odredbe Zakona o budžetu Brčko distrikta BiH i Zakona o izvršenju budžeta Brčko distrikta BiH za 2018. godinu, u dijelu svrsishodnog i efikasnog raspolaganja odobrenim budžetskim sredstvima.*
- *Potrebno je pridržavati se odredbi Odluke o načinu i uslovima korišćenja sredstava reprezentacije Skupštine Brčko distrikta BiH, u dijelu adekvatnog dokumentovanja troškova sredstava reprezentacije.*
- *Potrebno je ispitati opravdanost, angažovanja lica po osnovu ugovora o djelu, za obavljanje poslova sistematizovanim Pravilnikom o unutrašnjoj organizaciji i sistematizaciji radnih mjesta Stručne službe Skupštine Brčko distrikta BiH.*
- *Potrebno je da Skupština obavijesti Direkciju za finansije Brčko distrikta BiH o neprofitnim organizacijama koje nisu podnijele izvještaj o namjenskom utrošku sredstava dodijeljenih u prethodnoj godini do 30. septembra tekuće godine u skladu sa odredbama Zakona o budžetu Brčko distrikta BiH, u dijelu odgovornosti za zakonitost, efikasnost i ekonomičnost raspolaganja odobrenim budžetskim sredstvima.*
- *Potrebno je preciznije definisati bitne elemente programa utroška sredstava tekućih grantova u skladu sa odredbama Zakona o izvršenju budžeta Brčko distrikta BiH za 2018. godinu, u dijelu navođenja svrhe programa i preciziranja kriterija za dodjelu sredstava.*
- *Potrebno je preuzeti aktivnosti na uspostavljanju registra dodijeljenih grantova od strane Vlade i institucija Brčko distrikta BiH u cilju efikasnije kontrole, analize i planiranja dodjele grantova.*

- ***Potrebno je kreirati unificirane uporedive obrasce za prijedlog projekta i izvještaj o utrošku sredstava koji će omogućiti Skupštini kontrolu utroška dodijeljenih sredstava te analizu postignutih rezultata i preduzimanje adekvatnih mjera.***
- ***Potrebno je sredstva kapitalnog budžeta trošiti u skladu s načelima efikasnosti i ekonomičnosti, kako je to propisano Zakonom o budžetu Budžeta Brčko distrikta BiH u djelu utroška budžetskih sredstava.***
- ***Potrebno je usvojiti i javno objaviti vlastiti Plan djelovanja protiv korupcije u skladu sa Akcionim planom za sprovođenje strategije za borbu protiv korupcije u Brčko distriktu BiH 2018-2019. u dijelu prevencije korupcije.***
- ***Potrebno je da Skupština donese vlastiti plan zaštite od požara u skladu sa odredbama Zakona o zaštiti od požara Brčko distrikta BiH u dijelu organizovanja zaštite od požara.***

2. UVOD

Obavili smo reviziju finansijskog poslovanja Skupštine, na osnovu ovlaštenja datih Zakonom o reviziji javne uprave i institucija u Brčko distriktu BiH i drugim relevantnim propisima kao i na osnovu godišnjeg plana revizija.

3. OPŠTI DIO

U nadležnosti Skupštine je:

- Usvajanje Statuta Distrikta i Poslovnika o radu Skupštine (u daljem tekstu Poslovnik) i njihovih izmjena i dopuna;
- Usvajanje budžeta Distrikta i njegova izmjena i dopuna;
- Usvajanje zakona Brčko Distrikta BiH;
- Usvajanje odluka i rezolucija i drugih akata u skladu sa Statutom i Poslovnikom;
- Odlučivanje, na prijedlog gradonačelnika, o javnim zajmovima i zaduživanjima Distrikta, u skladu sa pravilima i politikom Centralne banke Bosne i Hercegovine;
- Izbor i razrješenje predsjednika i potpredsjednika Skupštine, gradonačelnika Distrikta i davanje saglasnosti na imenovanje zvaničnika u skladu sa Statutom, Poslovnikom i zakonom;
- Nadgledanje rada Vlade Distrikta i cjelokupne uprave Distrikta, naročito u pogledu upravljanja prihodima i rashodima Distrikta. U ovu svrhu, Skupština može, postupajući prema odluci donesenoj u skladu s članom 33 stavom 1 Statuta Distrikta, da oformi posebnu komisiju iz svog članstva da bi ispitala rad bilo koje javne institucije Distrikta. Prijedlog da takva odluka bude stavljena na dnevni red Skupštine prihvata se na zahtjev najmanje pet (5) zastupnika;
- Zvanična procjena rada gradonačelnika, direktora Direkcije za finansije Distrikta, direktora Poreske uprave, šefa Policije, direktora Kancelarije za upravljanje javnom imovinom, glavnog revizora Kancelarije za reviziju javne uprave i institucija u Brčko distriktu BiH i drugih zvaničnika koji se imenuju uz saglasnost Skupštine najmanje jednom godišnje na redovnoj sjednici;
- Razmatranje godišnjih finansijskih izvještaja koje sačinjavaju institucije Distrikta za finansijsku kontrolu, uključujući Kancelariju za reviziju iz člana 44 Statuta Distrikta;
- Obavljanje drugih funkcija u skladu sa Statutom Distrikta i zakonom.

Skupština se organizuje i radi u skladu sa Statutom Brčko distrikta BiH i Poslovnikom. Svi zakoni, postupci i propisi Brčko distrikta BiH koje Skupština usvoji moraju biti u skladu sa Ustavom BiH, Statutom Distrikta i zakonima BiH.

3.1. Organizacija Skupštine

Poslovi iz nadležnosti Skupštine regulisani su glavom IV Poslovnika, od člana 31. do člana 63., i u iste spadaju poslovi koji su u nadležnosti:

1. Predsjednika i potpredsjednika Skupštine;
2. Stručne službe Skupštine;
3. Skupštinskih komisija;
4. Stalnih komisija;
5. Posebnih komisija.

3.2. Rad Skupštine

Rad Skupštine je regulisan Poslovníkom o radu Skupštine, od člana 64 do člana 117 i to:

1. Donošenje općih akata Skupštine;
2. Donošenje odluka o dopustivosti i proceduralnim radnjama i Odlukama o suspenziji poslovníčkih odredaba;
3. Priprema, sazivanje i rad sjednica Skupštine;
4. Postupak donošenja akata Skupštine;
5. Vođenje zapisnika, tonska i video-arhiva sjednica;
6. Održavanje reda na sjednicama;
7. Postavljanje zastupničkih pitanja;
8. Obezbeđenje javnosti rada.

Unutrašnju organizaciju Skupštine čine organizacione cjeline:

1. Skupština Brčko distrikta BiH;
2. Stručna služba Skupštine.

Unutrašnja organizacija Skupštine utvrđena je Pravilnikom o unutrašnjoj organizaciji i sistematizaciji radnih mjesta stručne službe Skupštine Brčko distrikta BiH u cilju ostvarenja zakonitog, efikasnog, blagovremenog i ekonomičnog izvršavanja svih poslova iz nadležnosti Skupštine, postizanje potpune zaposlenosti zaposlenih i maksimalno korištenje njihovih stručnih kvalifikacija i znanja, potpune odgovornosti zaposlenih i efikasno rukovođenje, kao i saradnja sa drugim institucijama Brčko distrikta BiH.

Organizacionim planom Stručne službe Skupštine je predviđeno ukupno 50 zaposlenika. Na dan 31.12.2018. godine u Skupštini je bilo 40 zaposlenika.

4. PREDMET, CILJ I OBIM REVIZIJE

Predmet revizije je finansijsko poslovanje Skupštine u **2018.** godini, u dijelu planiranja i izvršenja budžeta, ocjene sistema internih kontrola, kao i usklađenosti poslovanja sa zakonskim i drugim relevantnim propisima.

Cilj revizije finansijskog poslovanja Skupštine je da omogući revizoru da na osnovu prikupljenih dokaza izrazi mišljenje o tome da li je finansijsko poslovanje, obavljeno u skladu sa cjelokupnom zakonskom važećom regulativom Brčko distrikta BiH, kao i planiranim pozicijama budžeta. Pored toga revizija je planirana i izvršena sa ciljem pribavljanja realne osnove za ocjenu da li su preduzete sve mjere za namjensko trošenje budžetskih sredstava za svrhe za koje je dato ovlaštenje donošenjem budžeta, te davanja preporuka za dalji rad sa posebnim naglaskom na što efikasniju zaštitu javne imovine i ekonomično trošenje javnih sredstava putem jačanja internih kontrola.

Revizija informiše javnost, nadležne organe i institucije o nalazima i preporukama, pravovremenim i javnim objavljivanjem revizorskog izvještaja.

Obim revizije je utvrđen internim planskim dokumentima revizije.

Obzirom da se revizija provodi provjerama na bazi uzoraka i da u sistemu interne kontrole i računovodstvenom sistemu postoje inherentna ograničenja, postoji mogućnost da pojedine materijalno značajne greške ostanu neotkrivene.

5. OSVRT NA NALAZE I PREPORUKE IZ PRETHODNE REVIZIJE

Na osnovu preporuka iz Izvještaja o obavljenoj reviziji finansijskog poslovanja za 2017. godinu, broj 01-02-03-13-172/18 dostavljenog 25.05.2018. godine, Skupština je usvojila Program mjera za otklanjanje nedostataka po Izvještaju o reviziji finansijskog poslovanja Skupštine za prethodnu godinu, broj: 02.1-13-862/18 i isti nam dostavilo 23.07.2018. godine.

Na osnovu prethodno iznesenog konstatujemo, da Skupština Program mjera nije Uredu dostavila u roku od 30 dana od dana prijema konačnog izvještaja o obavljenoj reviziji, što nije u skladu sa odredbama člana 17 Zakona o reviziji javne uprave i institucija u Brčko distriktu BiH.

Potrebno je da Skupština dostavi Uredu program mjera otklanjanja uočenih nedostataka po revizorskom izvještaju, u roku koji je regulisan odredbama Zakona o reviziji javne uprave i institucija u Brčko distriktu BiH.

Osvrtom na preporuke date u Izvještaju o obavljenoj reviziji za prethodnu godinu, te uvidom u preduzete aktivnosti, utvrdili smo sljedeće:

- **Realizovane preporuke**
 - donošenje Vodiča kojim se svakom licu omogućava pristup informacijama pod kontrolom javnog organa, u skladu sa odredbama Zakona o slobodi pristupa informacijama u BiH,
 - donošenje rješenja o privremenom premještanju, u skladu sa odredbama Pravilnika o radu službenika i namještenika u Stručnoj službi Skupštine, u dijelu složenosti poslova radnih mjesta i perioda na koji se vrši premještanje,
 - prilikom zaključivanja ugovora o radu na neodređeno vrijeme, predviđa se obaveza probnog rada u periodu od šest (6) mjeseci u skladu sa odredbama Pravilnika o radu službenika i namještenika u Stručnoj službi Skupštine Brčko distrikta BiH,
 - vrše se dodatne objave javnih konkursa za popunjavanje upražnjenih radnih mjesta, s ciljem jačanja transparentnosti prilikom zapošljavanja i
 - obračun poreza za dnevnicu lica koja nisu zaposlenici Skupštine, vrše se u skladu sa Pravilnikom o primjeni Zakona o porezu na dohodak, u dijelu prihoda koji podliježu oporezivanju.

- **Djelimično realizovane preporuke**
 - nisu izrađeni svi prečišćeni tekstovi zakona za koje su više od tri puta vršene izmjene i dopune,
 - djelimično su izvršena redovna ažuriranja WEB stranice Skupštine u skladu sa odredbama Pravilnika o unutrašnjoj organizaciji i sistematizaciji radnih mjesta Stručne službe Skupštine Brčko distrikta BiH, u dijelu unutrašnje organizacije poslova i
 - prilikom provođenja postupaka javnih nabavki za nabavke roba i usluga, nisu sa svim dobavljačima zaključivani ugovori u skladu sa Zakonom o javnim nabavkama BiH

- **Nerealizovane preporuke**

- Skupština, u okviru svoje nadležnosti, nije donijela propis s ciljem provođenja Zakona o zaštiti ličnih podataka,
- prilikom izrade budžeta, Skupština se nije pridržavala gornjih granica rashoda predviđenih DOB-om, u skladu s odredbama Zakona o budžetu Brčko distrikta BiH,
- prilikom angažovanja lica po osnovu ugovora o djelu na poslovima koji imaju karakter samostalnih i jednokratnih poslova, Skupština nije postupala u skladu sa Zakonom o obligacionim odnosima,
- Izborna komisija Brčko distrikta BiH nije u primjerenom (adekvatnom) roku usvojila i uputila Skupštini na usvajanje plan i program rada, izvještaj o radu i finansijski izvještaj i
- izvršenje budžeta tekućih grantova nije vršeno na načelu transparentnosti u skladu sa Zakonom o izvršenju budžeta za 2018. godinu.

- **Nerealizovane preporuke zadnje tri godine**

- nije osigurano usvajanje budžeta za 2017., 2018. i 2019. godinu u propisanom roku, od strane Skupštine putem skupštinske Komisije za budžet, u skladu sa Statutom Brčko distrikta BiH i Poslovníkom o radu Skupštine,
- nepridržavanje odredbi Odluke o kriterijima, načinu i postupku dodjele grantova neprofitnim organizacijama i
- isplata sredstava grantova licima koja nisu dokazala teško zdravstveno stanje (teško bolesnim licima).

6. NALAZI I PREPORUKE

6.1 Rukovodstvo i sistem internih kontrola

Revizijom je izvršeno ispitivanje sistema internih kontrola, kako bi se procijenila tačnost i pouzdanost podataka, te da li je finansijsko upravljanje usklađeno sa važećim zakonskim propisima. Odgovornost na uspostavi sistema internih kontrola je na rukovodstvu Skupštine, čiji osnov predstavlja postojanje odgovarajućeg kontrolnog okruženja, koje se uspostavlja adekvatnom organizacionom strukturom i donošenjem kvalitetnih internih akata. Načela unutrašnje organizacije, kategorizacija, rukovođenje, pozicije sa opisom poslova i zadataka sa brojem zaposlenih, te ostala pitanja značajna za rad i organizaciju Skupštine uređeni su Pravilnikom o unutrašnjoj organizaciji i sistematizaciji radnih mjesta Stručne službe Skupštine.

Interna kontrola u 2018. godini provođena je na osnovu Pravilnika o internoj kontroli kojom je utvrđena procedura i način trošenja sredstava za reprezentaciju, službenih putovanja, korištenje i upotrebu telefona i interneta, korištenje kancelarijskog materijala i kancelarijsko poslovanje. Navedeni Pravilnik je usmjeren na pojedinačne aktivnosti i ne predstavlja osnovu za uspostavu cjelovitog sistema internih kontrola. Takođe, nije uspostavljen adekvatan sistem nadzora, informisanja i komunikacija, kao dijela internih kontrola. U tom pravcu preporučujemo analiziranje svih poslovnih procesa, identifikaciju značajnih troškova u procesu izvršenja budžeta i određivanje rizika poslovanja, te shodno procijenjenim rizicima kreiranje odgovarajućih sistema kontrola.

Ustanovili smo da sistem internih kontrola nije funkcionisao u dijelu:

- osiguranja usvajanja Budžeta Brčko distrikta BiH u zakonski propisanom roku, u skladu sa Statutom Brčko distrikta BiH i Poslovníkom o radu Skupštine,
- svrsishodnog i efikasnog raspolaganja odobrenim budžetskim sredstvima, u skladu sa odredbama člana 24 stav 2 Zakona o budžetu Brčko distrikta BiH i člana 10 stav 2 Zakona o izvršenju budžeta Brčko distrikta BiH za 2018. godinu,
- sadržavanja specifikacije nastalog troška kod dijela priloženih računa korisnika sredstava reprezentacije u skladu sa odredbama člana 9 Odluke o načinu i uslovima korišćena sredstava reprezentacije Skupštine Brčko distrikta BiH,
- ispitivanja opravdanosti, angažovanja lica po osnovu ugovora o djelu, za obavljanje poslova sistematizovanih Pravilnikom o unutrašnjoj organizaciji i sistematizaciji radnih mjesta Stručne službe Skupštine Brčko distrikta BiH,
- obavještanja Direkcije za finansije Brčko distrikta BiH o neprofitnim organizacijama koje nisu podnijele izvještaj o namjenskom utrošku sredstava dodijeljenih u prethodnoj godini do 30. septembra tekuće godine u skladu sa odredbama člana 24 Zakona o budžeta Brčko distrikta BiH,
- navođenja kao kriterija za raspodjelu sredstava grantova potvrde o izmirenim poreznim obavezama i ovjerenim finansijskim izvještajima za prethodnu godinu od strane Direkcije za finansije Brčko distrikta BiH za neprofitne organizacije koje su registrovane kod nadležnog suda na teritoriji Brčko distrikta BiH, u Odluci o kriterijima, načinu i postupku raspodjele sredstava grantova Skupštine Brčko distrikta BiH,
- usvajanja i javnog objavljivanja vlastitog Plana djelovanja protiv korupcije u skladu s Akcionim planom za sprovođenje strategije za borbu protiv korupcije u Brčko distriktu BiH 2018-2019. godine, i
- donošenja vlastitog plana zaštite od požara u skladu s članom 6 Zakona o zaštiti od požara Brčko distrikta BiH.

Potrebno je, u cilju efikasnijeg poslovanja i pouzdanog finansijskog izvješćavanja, uspostaviti sistem internih kontrola koji će eliminisati navedene slabosti i doprinijeti efikasnom ostvarivanju ciljeva Skupštine.

6.2. Obavljanje poslova u skladu s propisima

Članom 50 Poslovníka o radu Skupštine Brčko distrikta Bosne i Hercegovine je propisano da je nadležnost Komisije za budžet da osigura usvajanje budžeta u skladu s odredbama člana 41 stava 2 Statuta Brčko distrikta BiH (odnosno da Skupština usvaja budžet Brčko distrikta BiH najmanje trideset (30) dana prije isteka svake fiskalne godine).

Revizijom smo utvrdili da Komisija za budžet, u skladu sa svojim nadležnostima delegiranim odredbama Poslovnika o radu Skupštine Brčko distrikta BiH, nije osigurala usvajanje Budžeta Brčko distrikta BiH za 2018. godinu u roku koji je propisan odredbama člana 41 stava 2 Statuta Brčko distrikta BiH.

Potrebno je da Skupština, putem skupštinske Komisije za budžet, osigura usvajanje budžeta Brčko distrikta BiH u roku koji je propisan odredbama Statuta Brčko distrikta BiH.

6.3. Planiranje i izvršenje tekućeg budžeta

Tekući budžet Skupštine za 2018. godinu planiran je u iznosu od 7.262.279,63 KM, a realizovan 6.036.172,03 KM, odnosno 83,1% odobrenih sredstava, (što je prikazano u Tabeli broj: 1 koja se nalazi u Prilogu Izvještaja).

Iz navedene tabele, je vidljivo da na nivou Skupštine nije bilo prekoračenja kod izvršenja pojedinih pozicija u odnosu na odobrene pozicije budžeta, ali se može zaključiti da je nizak nivo ostvarenja u odnosu na budžetom planirana sredstva kod slijedećih izdataka: izdataka za putne troškove 45,1%, naknada za bankarske usluge 45,8%, grantovi pojedincima 52,2%, izdataka za nabavku materijala i sitnog inventara 60,5%, izdataka za komunalne usluge 75,6%.

Nizak procent realizacije navedenih izdataka ukazuju na nerealno planiranje budžeta, te da su odobrena sredstva ostala neutrošena u iznosu od 1.226.107,60 KM, koja nisu oslobođena i data na raspolaganje rebalansom budžeta za potrebe drugih budžetskih korisnika, što nije u skladu sa odredbama člana 24 stav 2 Zakona o budžetu Brčko distrikta BiH i člana 10 stav 2 Zakona o izvršenju budžeta Brčko distrikta BiH za 2018. godinu, u cilju svrsishodnog i efikasnog raspolaganja odobrenim budžetskim sredstvima.

Potrebno je, da Skupština dosljedno poštuje odredbe Zakona o budžetu Brčko distrikta BiH i Zakona o izvršenju budžeta Brčko distrikta BiH za 2018. godinu, u dijelu svrsishodnog i efikasnog raspolaganja odobrenim budžetskim sredstvima.

6.4. Izdaci za plate i naknade troškova plata

Plate i naknade troškova plata u 2018. godini su planirane u iznosu od 2.321.172,53 KM, a realizovani su u iznosu od 2.041.522,06 KM ili 88,0%. Realizovani iznos se odnosi na slijedeće izdatke: neto plate 882.573,53 KM, naknade skupštinskim poslanicima 486.061,08 KM, doprinosi za PIO 302.261,10 KM, doprinosi za zdravstveno osiguranje 167.425,44 KM, naknade za privremene i povremene poslove 84.707,35 KM i ostali troškovi 118.493,56 KM.

6.5. Izdaci za putne troškove

Izdaci za putne troškove planirani su u iznosu od 28.000,00 KM, a ostvareni 12.620,00 KM ili 45,10% u odnosu na plan.

6.6. Izdaci za reprezentaciju

Članom 9 Odluke o načinu i uslovima korišćenja sredstava reprezentacije Skupštine Brčko distrikta BiH je propisano da je korisnik sredstava reprezentacije dužan priložiti račun koji treba da sadrži specifikaciju nastalog troška.

Skupština je u 2018. godini na ime usluga reprezentacije sa 9 dobavljača i 289 računa ostvarila troškove u iznosu od 133.524,28 KM.

Revizijom smo utvrdili da dio priloženih računa korisnika sredstava reprezentacije ne sadrže specifikaciju nastalog troška što nije u skladu sa odredbama člana 9 Odluke o načinu i uslovima korišćenja sredstava reprezentacije Skupštine Brčko distrikta BiH.

Potrebno je pridržavati se odredbi Odluke o načinu i uslovima korišćenja sredstava reprezentacije Skupštine Brčko distrikta BiH, u dijelu adekvatnog dokumentovanja troškova sredstava reprezentacije.

6.7. Izdaci za ugovore o djelu

Skupština je u 2018. godini zaključivala ugovore o djelu sa 12 lica te ostvarilo troškove po navedenom osnovu u iznosu od 84.707,35 KM.

Poslovi navedeni u 25 zaključenih ugovora o djelu sa 4 lica se odnose na učestvovanje u radu skupštinskih komisija u postupku izrade poziva, dostavljanja materijala za sjednice komisije kao i izrada zapisnika sa sjednica skupštinskih komisija. Po navedenom osnovu realizovani su izdaci u iznosu od 36.196,80 KM.

Uvidom u Pravilnik o unutrašnjoj organizaciji i sistematizaciji radnih mjesta Stručne službe Skupštine Brčko distrikta BiH na radnim mjestima: stručni savjetnik za skupštinske komisije, stručni saradnik za skupštinske komisije i stručni referent za skupštinske komisije, u opisu poslova navedeni su izrade poziva, dostavljanja materijala za sjednice komisije i izrada zapisnika sa sjednica skupštinskih komisija.

Potrebno je ispitati opravdanost, angažovanja lica po osnovu ugovora o djelu, za obavljanje poslova sistematizovanih Pravilnikom o unutrašnjoj organizaciji i sistematizaciji radnih mjesta Stručne službe Skupštine Brčko distrikta BiH.

6.8. Izdaci za tekuće grantove

Izdaci za tekuće grantove su planirani u iznosu od 3.845.622,50 KM, a realizovani u iznosu od 3.270.522,50 KM ili 85,0%. Od realizovanog iznosa na grantove pojedincima se odnosi 338.900,00 KM i na neprofitne organizacije 2.931.622,50 KM.

Skupština je tokom 2018. godine realizovala sredstva u iznosu od 4.870.999,96 KM na ime grantova za 130 neprofitnih organizacija.

Odredbama člana 24 Zakona o budžetu Brčko distrikta BiH je propisano da su budžetski korisnici odgovorni za zakonitost, efikasnost i ekonomičnost raspolaganja odobrenim budžetskim sredstvima.

Odredbama člana 22 stav (9) Zakona o izvršenju Budžeta Brčko distrikta BiH za 2018. godinu je propisano da Direkcija za finansije Brčko distrikta BiH po službenoj dužnosti vrši kontrolu utroška dodijeljenih sredstava svih korisnika sredstava koji nisu podnijeli izvještaj o namjenskom utrošku sredstava dodijeljenih u prethodnoj godini do 30. septembra tekuće godine (član 22 stav 7 navedenog Zakona).

Skupština nije obavijestila Direkciju za finansije Brčko distrikta BiH o neprofitnim organizacijama koje nisu podnijele izvještaj o namjenskom utrošku sredstava dodijeljenih u prethodnoj godini do 30. septembra tekuće godine. Izostanak kontrole zakonitosti, efikasnosti i ekonomičnosti utroška sredstava dodijeljenih neprofitnim organizacijama, putem Direkcije za finansije Brčko distrikta BiH kao institucije ovlaštene za vršenje kontrole, nije u skladu sa odredbama člana 24 Zakona o budžeta Brčko distrikta BiH.

Revizijom smo utvrdili da je dio korisnika sredstava utroška dodijeljenih sredstava podnio izvještaj o namjenskom utrošku sredstava dodijeljenih u prethodnoj godini na nevjerodostojnoj dokumentaciji.

Potrebno je da Skupština obavijesti Direkciju za finansije Brčko distrikta BiH o neprofitnim organizacijama koje nisu podnijele izvještaj o namjenskom utrošku sredstava dodijeljenih u prethodnoj godini do 30. septembra tekuće godine u skladu sa odredbama Zakona o budžetu Brčko distrikta BiH, u dijelu odgovornosti za zakonitost, efikasnost i ekonomičnost raspolaganja odobrenim budžetskim sredstvima.

Odredbama člana 22 Zakona o izvršenja budžeta Brčko distrikta BiH za 2018. godinu propisano je, da u bitne elemente programa utroška sredstava za tekuće grantove spada svrha programa i kriteriji za raspodjelu sredstava.

Programima utroška sredstava tekućih grantova, za period 1. januar do 31. decembar 2018. godine u Skupštini Brčko distrikta BiH, (Program od 08.05.2018. godine 3.029.172,50 KM, Program od 04.07.2018. godine 30.000,00 KM, Program od 18.07.2018. godine 264.000,00 KM i Program od 06.09.2018. godine 10.000,00 KM), nisu uopšte navedene svrhe programa što nije u skladu sa odredbama člana 22 Zakona o izvršenja budžeta Brčko distrikta BiH za 2018. godinu.

Članom 4 Odluke o kriterijima, načinu i postupku raspodjele sredstava grantova Skupštine Brčko distrikta BiH (u daljem tekstu: Odluka) su propisani kriteriji za raspodjelu sredstava grantova za neprofitne organizacije koje su registrovane kod nadležnog suda na teritoriji Brčko distrikta BiH.

Odlukom nisu navedeni kao kriteriji za raspodjelu sredstava grantova Skupštine, potvrde o izmirenim poreskim obavezama i ovjereni finansijski izvještaji za prethodnu godinu od strane Direkcije za finansije Brčko distrikta BiH za neprofitne organizacije koje su registrovane kod nadležnog suda na teritoriji Brčko distrikta BiH. Takođe, obzirom da i drugi budžetski korisnici Vlade Brčko distrikta BiH dodjeljuju grantove neprofitnim organizacijama, pomenutim kriterijima nije propisana obaveza korisnika granta da, uz zahtjev za dodjelu, dostavi dokaz o podnesenom izvještaju o utrošku granta dobijenog prethodne godine od drugog budžetskog korisnika, kao ni dokaz da grant nije dobijen po istom osnovu od drugog budžetskog korisnika u tekućoj godini.

Uzimajući u obzir ostale kriterije navedene u članu 4 Odluke, kao i nedostajuće kriterije navedene u prethodnom pasusu, smatramo da su kriteriji u osnovi dosta uopšteni.

Revizijom smo utvrdili da se efekti ostvareni grantovima ne prate na organizovan, sveobuhvatan i sistematičan način što je, zbog značaja iznosa isplaćenih sredstava neophodno za predlaganje i preduzimanje adekvatnih mjera u cilju ostvarenja optimalnog razvoja Brčko distrikta BiH.

Potrebno je preciznije definisati bitne elemente programa utroška sredstava tekućih grantova u skladu sa odredbama Zakona o izvršenju budžeta Brčko distrikta BiH za 2018. godinu, u dijelu navođenja svrhe programa i preciziranja kriterija za dodjelu sredstava.

Potrebno je preduzeti aktivnosti na uspostavljanju registra dodijeljenih grantova od strane Vlade i institucija Brčko distrikta BiH u cilju efikasnije kontrole, analize i planiranja dodjele grantova.

Članom 4 stav 2 Odluke o kriterijima, načinu i postupku raspodjele sredstava grantova Skupštine Brčko distrikta BiH je propisano da je kriterij za raspodjelu sredstava neprofitnim organizacijama, prijedlog projekta sa specifikacijom troškova koji se kandiduje za raspodjelu sredstava.

Članom 9 iste Odluke je propisano da izvještaj o utrošku sredstava treba da sadrži tekstualni i finansijski dio kojim se dokazuje svrha utroška sredstava.

Revizijom smo utvrdili da su prijedlozi projekata kao i izvještaji o utrošku sredstava rađeni u različitim slobodnim formama što onemogućava kontrolu utroška sredstava kao i analizu ostvarenih rezultata, te eventualno preduzimanje adekvatnih mjera u cilju ostvarivanja planiranih rezultata.

Potrebno je kreirati unificirane uporedive obrasce za prijedlog projekta i izvještaj o utrošku sredstava koji će omogućiti Skupštini kontrolu utroška dodijeljenih sredstava te analizu postignutih rezultata i preduzimanje adekvatnih mjera.

6.9. Kapitalni budžet

Odobrena sredstva za kapitalne potrebe u periodu od **2016.** do **2018.** godine iznosila su **798.500,00 KM**. Izvršenje budžeta kapitalnih potreba do 2018. godine iznosi **22.200,61 KM**, a u 2018. godini iznosi **70.913,71 KM**, što ukupno predstavlja **8,88 %** plana (Tabela broj 2 u Prilogu ovog izvještaja).

Od planiranog kapitalnog budžeta iz 2017. godine sa 31. 12.2018. godine ostalo je neutrošeno **511.445,64 KM** ili 94,98% planiranog budžeta koja se najvećim dijelom (413.300,54 KM) odnose na radove rekonstrukcije sale za skupštinske sjednice i prostorija u zgradi Skupštine. Planom nabavki Skupštine za 2018. godinu kao okvirni datum pokretanja pomenutih radova je naveden maj 2018. godine.

Revizijom smo utvrdili da postupak javnih nabavki radova rekonstrukcije nije pokrenut tokom 2018. godine te da procent realizacije kapitalnih projekata nije na zadovoljavajućem nivou i predstavlja neefikasno trošenje odobrenih budžetskih sredstava, što nije u skladu sa članom 3 Zakona o budžetu Brčko distrikta BiH.

Potrebno je sredstva kapitalnog budžeta trošiti u skladu s načelima efikasnosti i ekonomičnosti, kako je to propisano Zakonom o budžetu Budžeta Brčko distrikta BiH u djelu utroška budžetskih sredstava.

6.10. Ostali nalazi

Akcionim planom za sprovođenje strategije za borbu protiv korupcije u Brčko distriktu BiH 2018-2019. usvojene od strane Skupštine 11.04.2018. godine utvrđena je obaveza Skupštine da do 11.10.2018. godine usvoji i javno objavi vlastiti Plan djelovanja protiv korupcije.

Revizijom smo utvrdili da Skupština nije usvojila i javno objavila vlastiti Plan djelovanja protiv korupcije što nije u skladu sa Akcionim planom za sprovođenje strategije za borbu protiv korupcije u Brčko distriktu BiH 2018-2019. godine.

Potrebno je usvojiti i javno objaviti vlastiti Plan djelovanja protiv korupcije u skladu sa Akcionim planom za sprovođenje strategije za borbu protiv korupcije u Brčko distriktu BiH 2018-2019. godine, u dijelu prevencije korupcije.

Članom 6 Zakona o zaštiti od požara Brčko distrikta BiH je propisano da je Skupština obavezna donijeti vlastiti plan zaštite od požara u skladu sa Planom zaštite od požara Brčko distrikta BiH.

Skupština Brčko distrikta BiH je 17.01.2013. godine usvojila Plan zaštite požara Brčko distrikta BiH broj 02-000573/12 koji je predložila Vlada Brčko distrikta BiH.

Revizijom smo utvrdili da Skupština nije donijela vlastiti plan zaštite od požara što nije u skladu sa članom 6 Zakona o zaštiti od požara Brčko distrikta BiH.

Potrebno je da Skupština donese vlastiti plan zaštite od požara u skladu sa odredbama Zakona o zaštiti od požara Brčko distrikta BiH u dijelu organizovanja zaštite od požara.

7. Komentar

Skupštini Brčko distrikta BiH je uručen Nacrt izvještaja o reviziji finansijskog poslovanja za period 01.01.- 31.12.2018. godine, broj: 01-02-03-122/19, na razmatranje i dostavljanje eventualnih novih dokaza i komentara na nalaze revizije.

U ostavljenom roku od 15 dana, Skupština Brčko distrikta se očitovala na nalaze sadržane u Nacrtu izvještaja o reviziji i nije imala primjedbe na nalaze iz Nacrta izvještaja, te ovaj izvještaj predstavlja konačan izvještaj dostavljen klijentu.

Tim za reviziju:

Avdija Bašić, dipl. oec.

Milan Milašinović, dipl. oec.

8. PRILOZI IZVJEŠTAJA O REVIZIJI

Struktura planiranih i izvršenih tekućih izdataka za **2018.** godinu, po pozicijama Skupštine prikazana je u sljedećoj tabeli:

Tabela br.1

O P I S	Izvršenje 2017. godine	Plan 2018. godine	Izvršenje 2018. godine	Raspoloživo 3 - 4	Indeks 4/3
1	2	3	4	5	6
Bruto plate	1.311.133,01	1.638.884,83	1.379.170,00	259.714,83	84,2
Naknade troškova zaposlenih	523.583,84	611.681,00	603.489,54	8.191,46	98,7
Doprinos na teret poslodavca	53.410,24	70.606,70	58.862,52	11.744,18	83,4
UKUPNO PLATE, NAKNADE I DOPRINOSI	1.888.127,09	2.321.172,53	2.041.522,06	279.650,47	88,0
Izdaci za materijal usluge	593.854,70	1.095.484,60	724.127,47	371.357,13	66,1
Putni troškovi	21.820,48	28.000,00	12.620,00	15.380,00	45,1
Izdaci za energiju	27.091,34	44.586,60	42.048,53	2.538,07	94,3
Izdaci za komun. usluge	24.031,46	28.785,00	21.768,79	7.016,21	75,6
Nabavka materijala	49.375,33	90.800,00	54.927,29	35.872,71	60,5
Izdaci za usl. prev. i goriva	10.025,60	28.200,00	15.887,03	12.312,97	56,3
Unajmljivanje imovine i opreme	963,00	14.973,00	2.884,00	12.089,00	19,3
Izdaci za tekuće održavanje	52.796,10	63.800,00	55.109,15	8.690,85	86,4
Izdaci osigur., bank. usluge i usl. platnog prometa	4.873,78	8.500,00	3.892,00	4.608,00	45,8
Ugovorene usluge	402.877,61	787.840,00	514.990,68	272.849,32	65,4
Tekući grantovi	4.910.549,96	3.845.622,50	3.270.522,50	575.100,00	85,0
Grantovi pojedincima	39.550,00	649.000,00	338.900,00	310.100,00	52,2
Grantovi neprofitnim organizacijama	4.870.999,96	3.196.622,50	2.931.622,50	265.000,00	91,7
Ukupan TEKUĆI budžet	7.392.531,75	7.262.279,63	6.036.172,03	1.226.107,60	83,1

Budžet kapitalnih potreba

Tabela br. 2

God.	Planirani kapitalni budžet	Izvršenje kapitalnog budžeta do 01.01.2018.	Izvršenje kapitalnog budžeta u 2018. god.	Izvršeno na dan 31.12.2018. godine (4+5)	Neurošena planirana sredstava na dan 31.12.2018. (3-4-5)	% izvršenja na dan 31.12.2018. (6/ 3 x 100)
1	3	4	5	6	7	8
2016.	50.000,00	42.806,35	0,00	42.806,35	7.193,65	85,61
2017.	538.500,00	5.906,75	21.147,61	27.054,36	511.445,64	5,02
2018.	210.000,00	0,00	1.053,00	1.053,00	208.947,00	0,50
UKUPNO	798.500,00	48.713,10	22.200,61	70.913,71	727.586,29	8,88

Tekući grantovi

Tabela br. 3

Redni broj	Korisnik	Iznos 2017.	Iznos 2018.
1.	Adnan Drapić	4.516,14	4.516,13
2.	SBB Savez za bolju budućnost	14.486,80	15.032,26
3.	SDA Stranka demokratske akcije	23.519,04	24.064,51
4.	SDP BiH Socijalistička demokratska partija BiH	14.486,80	15.032,26
5.	BDP Brčanski demokratski pokret-Nuković Admir	14.486,80	4.516,13
6.	SP Socijalistička partija RS	14.486,80	15.032,26
7.	HDZ Hrvatska demokratska zajednica	19.002,92	15.032,26
8.	PDP Partija demokratskog progresa	4.516,14	4.516,13
9.	HSS Hrvatska seljačka stranka Braća Radić	14.486,80	19.548,39
10.	SNSD Savez nezavisnih socijaldemokrata-NDP	23.519,06	36.096,77
11.	Klub nezavisnih poslanika Alija Denjagić Čazim Dačaj	14.486,80	15.032,26
12.	SDS-NDP Vojinović, Purić, Ljubojević	19.002,92	7.516,13
13.	Bogičević Radoslav	7.243,40	7.516,13
14.	Kojić Nenad	7.243,40	0,00
15.	S BiH Stranka za BiH	4.516,14	0,00
16.	Futsal klub Brčko	500,00	0,00
17.	MZ Šatorevići	0,00	2.000,00
18.	MZ Grbavica	48.000,00	0,00
19.	MZ Gornji Rahić	15.000,00	0,00
20.	MZ Bukvik	20.000,00	0,00
21.	MZ Ražljevo	1.300,00	0,00
22.	MZ Gornji Zovik	500,00	0,00
23.	MZ Omerbegovača	0,00	1.000,00
24.	MZ Rašljani	0,00	3.000,00
25.	MZ Brka	2.000,00	1.000,00
26.	MZ Skakava	0,00	30.000,00
27.	MZ Popovo Polje	174.000,00	65.000,00
28.	MZ Plazulje	15.500,00	30.700,00
29.	MZ Gornji Brezik	0,00	15.000,00
30.	MZ Maoča	0,00	2.500,00
31.	MZ Boće	30.000,00	1.000,00
32.	MZ Bijela	0,00	1.000,00
33.	MZ Vukšić	0,00	10.500,00
34.	MZ Stari Rasadnik	0,00	2.000,00
35.	MZ Donji Zovik	45.000,00	21.500,00
36.	MZ Buzekara	0,00	16.548,38
37.	Podukupno	551.799,96	386.200,00
38.	FK Jedinstvo	0,00	5.000,00
39.	FK Grčica Brčko	1.000,00	800,00
40.	FK Lokomotiva Brčko	1.000,00	800,00
41.	Opšt. Nogometni savez Brčko	0,00	2.000,00
42.	RK Jedinstvo Brčko	0,00	1.000,00

43.	FK Gornji Rahić	2.000,00	2.000,00
44.	NK Dubrave	1.000,00	1.500,00
45.	FK Slijepčevići Slijepčevići	1.400,00	500,00
46.	FNK Izbor Brčko	1.000,00	500,00
47.	Auto-moto klub Brčko	500,00	600,00
48.	NK Napredak Omerbegovača	1.500,00	3.500,00
49.	FK Posavina Brod	1.000,00	750,00
50.	NK Voćar Šatorovići	0,00	500,00
51.	NK Polet Palanka	2.000,00	2.000,00
52.	NK Brka 48	2.000,00	1.500,00
53.	FK Mladost Trnjaci	1.000,00	1.000,00
54.	FK Jugović Gredice I	1.000,00	1.000,00
55.	KBV Jedinstvo Brčko	0,00	1.000,00
56.	OFK 1987 Brčko	1.000,00	1.500,00
57.	Moto klub GRUNF	0,00	1.000,00
58.	Planinarsko društvo Platan Brčko	0,00	500,00
59.	Udruženje Raja sa Ficibajera Brčko	1.000,00	750,00
60.	Planinarsko društvo Taem Work	0,00	2.500,00
61.	Rekreativ.planin.klub Brčko Brčko	2.000,00	2.000,00
62.	Odbojkaški klub Galeb Brčko	1.000,00	2.000,00
63.	NK Vitanovići 78 Vitanovići	1.000,00	1.000,00
64.	OK Mladost Brčko Ražljevo	2.000,00	2.000,00
65.	Klub malog fudbala BRČKO-zdravlje	0,00	500,00
66.	Sportsko društvo Brčko Distrikt	0,00	3.000,00
67.	Stonoteniski klub Ražljevo	800,00	1.000,00
68.	Karate klub Ippon Brčko	1.000,00	1.000,00
69.	Biciklistički klub B. Luka	0,00	10.000,00
70.	Udruženje Borilačkih sportova Samuraj	0,00	500,00
71.	Udruženje Akademija sporta Lokomotiva Brčko	4.000,00	10.000,00
72.	FK Mladost Brčko Ražljevo	0,00	4.000,00
73.	ŽFK Olimpik Brčko	500,00	600,00
74.	Kuglaški klub RAD Brčko	0,00	1.000,00
75.	Klub malog fudbala BRČKO	0,00	600,00
76.	Atletski klub Škola i sporta CROSS Brčko	0,00	2.000,00
77.	Stonoteniski klub Sokol	0,00	2.000,00
78.	KK Lavovi Brčko	1.000,00	700,00
79.	Nautički klub Moja Lađa Brčko	0,00	4.000,00
80.	Udruženje građana Farmer Brka	0,00	2.000,00
81.	Atlets - Sava Brčko - pliv. Exstrm sport	2.000,00	2.000,00
82.	Udruženje fudbalskih trenera Brčko	0,00	500,00
83.	SUG Veterani Ficirbajera	2.000,00	750,00
84.	Udruženje sportskih veterana - rekreativaca	0,00	700,00
85.	Fudbalska akademija Mirza i prijatelji	0,00	2.000,00
86.	MK OFF ROAD Šatorovići	0,00	1.000,00
87.	BZK Preporod Brčko	1.500,00	2.500,00
88.	Kolo srpskih sestara Majka Jevrosima Brčko	1.000,00	1.200,00
89.	KUD Azra Rašljani	1.200,00	3.000,00
90.	Savez studenata Ekonomskog fakulteta Brčko	0,00	500,00
91.	KUD Bijelka Brčko	1.000,00	1.000,00

92.	HKD Napredak podružnica Brčko	0,00	1.500,00
93.	LIKUM Udruženje liko. Umjetnika	0,00	2.000,00
94.	Udruženje Bošnjaka Brčko	0,00	1.000,00
95.	Asocijacija Mladih BD Brčko	0,00	2.000,00
96.	KUD Omerbegovača	0,00	1.000,00
97.	Vrhbosanska Nadbiskupija Brčanski dekanat Brčko	317.000,00	3.000,00
98.	Srpska pravoslavna opština Brčko	820.000,00	450.000,00
99.	Srpska pravoslavna opština Ražljevo	168.100,00	2.500,00
100.	Udruženje pčelara Matica Brčko	1.000,00	1.500,00
101.	BKUD Šeher Palanka	2.000,00	1.500,00
102.	Org. Porodica šehida BD	0,00	1.500,00
103.	Udruženje nestalih Bošnjaka	0,00	1.800,00
104.	Udruženje nezaposlenih glas radnika	0,00	500,00
105.	Udruž.porodica poginulih boraca RS Brčko	1.000,00	1.000,00
106.	KUD Bosna Omerbegovača	3.000,00	1.000,00
107.	Župa Svetog Franje Asiškoga Zovik	95.000,00	40.000,00
108.	Župni ured Svetog Ante Padovanskog Boće	40.000,00	67.000,00
109.	Vrhbosanska Nadbiskupija Sniježna Gospa Poljaci	0,00	75.000,00
110.	Udruga Olimp Orašje	0,00	1.700,00
111.	Županija Posavska	0,00	5.000,00
112.	Medžlis islamske zajednice Brčko	891.500,00	668.000,00
113.	Protestantska Evandeoska crkva Brčko	7.000,00	5.300,00
114.	Srpska pravoslavna crkvena opština Grčica	245.000,00	190.000,00
115.	Društvo psihologa Brčko distrikta BiH	1.000,00	1.250,00
116.	Srpska pravoslavna crkvena opština Donji Brezik	105.000,00	75.000,00
117.	Udruženje oboljelih oa malignih bolesti i mutipla. Skleroze	1.250,00	2.500,00
118.	Crkveni hor Sveti Stefan Dečanski Brčko	5.000,00	3.000,00
119.	Kud Gornji Rahić Gornji Rahić	2.000,00	2.000,00
120.	Udruženje žena Badarka Maoča	0,00	3.000,00
121.	Srpska pravoslavna crkvena opština Brezovo Polje	62.700,00	50.500,00
122.	Kud Posavina Brod Brčko	2.000,00	1.000,00
123.	Udruženje UG Resurni centar	2.500,00	500,00
124.	Srpska pravoslavna crkvena opština Potočari	190.000,00	75.000,00
125.	Udruženje građana Agrikola Palanka	0,00	1.500,00
126.	Dani Hrvatskog filma Orašje	0,00	5.000,00
127.	Srpska pravoslavna crkvena opština Kulubarsko Grbavička	180.000,00	120.000,00
128.	Srpska pravoslavna crkvena opština Lončari	30.000,00	54.000,00
129.	Srpska pravoslavna crkvena opština Bukvička Brčko	85.000,00	78.122,50
130.	Srpska pravoslavna crkvena opština Buzekara	57.000,00	169.000,00
131.	Stećak odbor za obilježavanja značajnih datuma	2.000,00	1.500,00
132.	Udruženje građana davaoci krvi Brčko	0,00	1.250,00
133.	Kud Srce igra Brezovo Polje-Novo Naselje	1.000,00	1.000,00
134.	Udruženje građana Visit	0,00	3.000,00
135.	Vranduk ekološko udruženje Livno	0,00	5.000,00
136.	Srpska pravoslavna crkvena opština Donji Žabar	82.000,00	80.000,00
137.	Udruženje kreat.Humano stari zanati Brčko	1.550,00	1.250,00
138.	Župa Bezgrešnog začeća blažene djevice Dubrave i Ulice	215.000,00	160.000,00
139.	UG Mali princ	0,00	2.700,00
140.	Arhivističko udruženje BiH Sarajevo	0,00	1.500,00

141.	Udruženje mladih Ihlas	0,00	500,00
142.	Udruženje Više beba Brčko	0,00	2.000,00
143.	Udruženje žene žrtava rata RS	0,00	500,00
144.	Voćni klub Brčko	0,00	1.500,00
145.	Udruž. preživ. žrtve rata sex nasilje	0,00	500,00
146.	UG Omladinski pogon Brčko	0,00	800,00
147.	Glođanka poljopr. zadruga Zvornik	0,00	10.000,00
148.	Vrh. Bos. Nadbiskupija Sniježna gospa Poljaci	215.000,00	75.000,00
149.	Vrh. Bos. Nadbiskupija gospa Ulice	165.000,00	50.000,00
150.	FK Sava 04 Brezovo polje	1.000,00	0,00
151.	NK Mladi zadugar 2 D. Rahić	1.000,00	0,00
152.	NK Ravne Zovik	1.850,00	0,00
153.	NK Dinamo 75 Prijedor	1.000,00	0,00
154.	FK Mladost Sandići	1.000,00	0,00
155.	BK Jedinstvo Brčko	500,00	0,00
156.	NK Trešnjevka Maoča	2.000,00	0,00
157.	NK Graničar Brezovo Polje	500,00	0,00
158.	SD Veteran Brčko	500,00	0,00
159.	NK Hašk-Napredak Ulović	1.000,00	0,00
160.	Planinarsko društvo Čičak Orašje	1.000,00	0,00
161.	OK TEMPO Ražljevo Brčko	800,00	0,00
162.	KK Bosna Brčko	2.500,00	0,00
163.	Vatrogasno društvo Gornji Rahić	1.500,00	0,00
164.	Fudbalska akademija Prijatelji Ograđenovac	350,00	0,00
165.	FK Olimpik Brčko	1.000,00	0,00
166.	BKUD Behar Maoča Brčko	3.000,00	0,00
167.	HKUD Župa Zovik Gornji Zovik	1.200,00	0,00
168.	Srpski omladinski savez Brčko	300,00	0,00
169.	Udruženje mladih Izvor Brčko	1.000,00	0,00
170.	Udruženje Zidine Ravne Brčko	700,00	0,00
171.	Omladinski centar Vermont Brčko	300,00	0,00
172.	Udruženje oboljelih od multipleskleroze	1.250,00	0,00
173.	Udruženje građana Pčela Gornji Rahić	825,00	0,00
174.	Udruženje žena Okrugli sto Brčko	1.500,00	0,00
175.	Udruženje Golub Brčko	5.000,00	0,00
176.	Župa Svetog Antuna Pustinjska Gorice	28.000,00	0,00
177.	Franjevački samostan Sveti Ante Padovanski Dubrave	200.000,00	0,00
178.	Vrhbosanska Nadbiskupija Župa Kraljice Krepšić	3.000,00	0,00
179.	Udruženje građana Djeluju odlučno Prizma Brčko	500,00	0,00
180.	Udruženje turističkih vodiča Brčko	1.500,00	0,00
181.	Udruženje građana Vrijedne ruke Šatorovići	1.000,00	0,00
182.	KUD Klanac Brčko	3.000,00	0,00
183.	Udruženje građana oštećenog vida Luj Braj Brčko	625,00	0,00
184.	Udruženje građana Vesele žene Prutače Brčko	1.000,00	0,00
185.	Kud Centar Brčko	2.000,00	0,00
186.	Srpska pravoslavna crkvena opština Visoko	10.000,00	0,00
187.	Grantovi klizišta	0,00	223.900,00
	UKUPNO	4.870.999,96	3.270.522,50